

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 110. sjednici, održanoj dana 22.06.2021. godine, d o n o s i

ZAKLJUČAK

I.

Usvaja se Informacija o šumskim krađama na području Zeničko-dobojskog kantona u 2020. godini sa prijedlogom mjera za prevazilaženje stanja.

II.

Informacija iz tačke I. čini sastavni dio ovog zaključka.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21

Datum, 22.06.2021. godine

Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Kantonalna uprava za šumarstvo,

1x JP Šumsko-privredno društvo

Zeničko-dobojskog kantona d.o.o. Zavidovići, putem Ministarstva,

1 x a/a.

INFORMACIJA

**o šumskim krađama na području Zeničko-dobojskog kantona u 2020. godini
sa prijedlogom mjera za prevazilaženje stanja**

Zenica, april 2021. godine

Uvod

Informacija o šumskim krađama na području Zeničko-dobojskog kantona u 2020. godini sa prijedlogom mjera za prevazilaženje stanja izrađena je u skladu sa Programom rada Vlade Zeničko-dobojskog kantona za 2021. godinu, na temelju podataka koje je evidentirala Kantonalna uprava za šumarstvo.

Šuma i šumsko zemljište, kao prirodni resurs, zauzima oko 56 % površine Zeničko-dobojskog kantona i posjeduje multifunkcionalnost proizvoda i usluga koje pruža. Prisutni su različiti aspekti korištenja (ekonomski, socijalni i ekološki), pa tako imamo korištenje prvenstveno šumskih proizvoda (drvnih i nedrvnih), korištenje po osnovu raznih vrsta koncesija unutar šuma i šumskog zemljišta, vodnog potencijala, turizma i dr.

Od posebnog su značaja općekorisne funkcije šuma, koje se ogledaju naročito u zaštiti zemljišta od erozije, bujica, poplava, uticaju na vodni režim i hidroenergetski sistem, uticaja na plodnost zemljišta i bitnom određenju poljoprivredne proizvodnje, uticaja na klimu, u zaštiti i unaprjeđenju čovjekove okoline, u stvaranju kiseonika i pročišćavanju atmosfere, te uticaju na ljepotu krajolika, stvaranju povoljnih uslova za liječenje, oporavak, odmor i rekreaciju, za razvoj turizma i lovstva.

Korištenjem šumskih proizvoda i ostalih koristi koje daje ovaj prirodni resurs javljaju se i određene nezakonite radnje i aktivnosti koje dovode do direktne devastacije šumskih kompleksa, koji u negativnom smislu utiču na ekosistem u cjelini. Na osnovu višegodišnjih praktičnih iskustava u zaštiti šuma konstatovano je da su štete na šumi i šumskom zemljištu prisutne kroz odvijanje više nezakonitih radnji, među koje spadaju i šumske krađe.

Šumske krađe, koje se izvode nestručnim i neselektivnim odabirom stabala za sječu, stvaraju nesagledive posljedice posmatrano sa više aspekata, kao što su:

- **Socijalni i ekološki aspekt** – Podatak da se na 56% površine Kantona prostiru šume i šumska zemljišta govori da je ovo jedan od značajnijih ekonomskih resursa. Pravilna eksploatacija i redovno pošumljavanje svakoj zemlji na svijetu mogu donijeti dugoročan, siguran i isplativ profit. Šumske krađe dovode do uništavanja i nestajanja šuma. Nastaju ekološke promjene sa štetnim poslasticama, među kojima su prvenstveno promjene zemljišta i klime, smanjenje površinskih voda, kao i nestanak mnogih biljnih i životinjskih vrsta, što direktno utiče na socijalni aspekt stanovništva. Slivna područja obrasla šumom imaju 30-50% niže vodostaje nego što imaju slivovi koji nisu obrasli šumom. Šuma sprječava eroziju zemljišta, klizišta i ona je najbolji i najjeftiniji filter za dobijanje pitke vode. Neplanska sječa šuma osiromašuje prirodna bogatstva za račun bogaćenja pojedinaca.

- **Ekonomski aspekt** - U 2020. godini, krađom drvene mase iz državnih i privatnih šuma načinjena je šteta od 20.278,16 m³ drvene mase, čija procjenjena vrijedost (bez poreza, po važećem cjenovniku) iznosi 1.279.199,22 KM. Prema evidencijama, samo iz državnih šuma je otuđeno 16.564,40 m³ drvene mase, procjenje vrijednosti od 1.023.183,87 KM. Državne šume koristi JP Šumsko privredno društvo, d.o.o Zavidovići i isto je dužno umanjiti svoje sječe (etat) za količinu bespravno posječene drvene mase, što direktno utiče i na prihod ovog Preduzeća. Pored direktne štete nastale prilikom šumskih krađa drvene mase, na pojedinim područjima se stvaraju ogoljele površine, koje je potrebno pošumiti, a ponekad je potrebno izvršiti i sanaciju zemljišta i šumskih puteva. Sve to iziskuje dodatne troškove u poslovanju Šumsko privrednog društva. Kvalitativno, šteta od šumske krađe je mnogostruko veća, jer se ne vrši pozitivna selekcija prilikom sječe (najkvalitetniji trupci se prerađuju u ogrevno drvo), a samim tim se osiromašuje šumski fond.

I. Zakonska regulativa

Oblast šumarstva na području Federacije BiH od decembra 2009. godine nije zakonski uređena. Nedonošenje Federalnog zakona o šumama, kao i različiti stavovi i postupanja po Kantonalnom zakonu o šumama direktno utiču na povećanje obima šumskih krađa. Zakonska neuređenost proizvodi pravnu nesigurnost, koja stvara probleme u funkcionisanju i poduzimanju potrebnih mjera.

Na nivou Federacije BiH, već više godina, zakon o šumama je u formi nacрта. Nactrom zakona o šumama predviđene su velike institucionalne, upravljačke, pravne, ekonomske i organizacione promjene u segmentu šumarstva. Predloženo je da se izvrši drugačija organizacija kantonalne uprave i šumsko privrednog društva. Čuvari šuma, koji su do sada bili u sastavu kantonalne uprave novim prijedlogom bi trebalo da budu u sastavu šumsko privrednog društva.

Na području Kantona na snazi je Zakon o šumama Zeničko-dobojskog kantona („Službene novine Zeničko-dobojskog kantona“, broj: 8/13, 1/15). Zakonom o šumama su propisani poslovi Kantonalne uprave za šumarstvo, među koje spada i dužnost Uprave da obezbijedi neposrednu zaštitu državnih šuma i šumskog zemljišta (pored ostalog i od šumskih krađa) na području Kantona.

Da bi se moglo govoriti koliko je efikasna borba protiv nezakonitih radnji u šumi i na šumskom zemljištu, moramo se osvrnuti na ambijent u kakvom radi Kantonalna uprava za šumarstvo:

II. Organizaciona i kadrovska osposobljenost Kantonalne uprave za šumarstvo u 2020. godini

Kantonalna uprava za šumarstvo je formirana u sastavu Ministarstva za poljoprivredu, šumarstvo i vodoprivredu Zeničko-dobojskog kantona. Uprava se u svom radu susreće sa nizom problema koji pored drugih faktora u društvu utiču na povećani obim šumskih krađa. Osvrnut ćemo se na neke od važnijih:

II.1 Nepopunjenost radnih mjesta - je problem koji je izražen duži niz godina i imao je direktan uticaj na kvalitetno obavljanje poslova. Početkom godine je stupio na snagu novi Pravilnik o unutrašnjoj organizaciji i sistematizaciji radnih mjesta Ministarstva za poljoprivredu, šumarstvo i vodoprivredu Zeničko-dobojskog kantona (u daljem tekstu Pravilnik) i tako su stvoreni uslovi za kvalitetniju raspodjelu i popunjenost radnih mjesta u skladu sa stvarnim potrebama.

U 2020. godini izvršeno je popunjavanje nepopunjenih radnih mjesta. Tako je izvršeno popunjavanje čuvarske službe na način da je putem javnog oglašavanja izvršen prijem ukupno 14 čuvara šuma, kao i prijem 1 izvršioca - državnog službenika (stručnog savjetnika za ekonomske poslove), tako da je u 2020. godini primljeno ukupno 15 uposlenika. Treba napomenuti da je trenutno i u toku procedura prijema još 4 državna službenika (popuna upražnjenih mjesta - 2 šefa odjeljenja, 1 viši stručni saradnik i 1 stručni saradnik), kao i popuna 8 namještenika - čuvara šuma. Istovremeno je konstatovan prestanak radnog odnosa za 14 čuvara šuma i 3 državna službenika. U toku je procedura naoružavanja novoprimljenih 14 čuvara šuma.

I pored toga, u 2020. godini smo, utvrđene nadležnosti i poslove, pa i poslove zaštite šuma od šumskih krađa i drugih nezakonitih radnji obavljali sa 112 umjesto, po važećem Pravilniku planiranih 126 zaposlenih, dakle sa nedostatkom od 14 državnih službenika i namještenika. Starosna struktura zaposlenih je i dalje nepovoljna, što se mora uzeti u obzir prilikom planiranja kadrova.

Pregled utvrđenih radnih mjesta i njihove popunjenosti su prikazane u tabeli:

Tabela II.1

	Direktor	Šef Odjeljenja	Stručni savjetnik	Viši stručni saradnik	Stručni saradnik	Kontrolni lugar	Čuvar šuma	Interni kontrolor	Referent za prikupljanje podataka	Geometar	Tehnički sekretar	Ukupno
Planirano	1	9	4	9	2	13	81	1	4	1	1	126
Zaposleno	1	9	4	4	0	13	74	1	4	1	1	112

Čuvari šuma - Neposredna zaštita šuma i šumskog zemljišta se obavlja putem čuvarske službe. Usvajanjem novog Pravilnika, došlo je do umanjenja broja čuvara šuma sa 84 na 81 izvršioca i kontrolnih lugara sa 15 na 13 izvršioca. Smanjenje broja čuvara šuma i kontrolnih lugara je rezultat potrebe za sistematizovanjem novih radnih mjesta - interni kontrolor 1 izvršioc i Viši referent za operativnu podršku i prikupljanje podataka sa 4 izvršioca (radno mjesto određeno za invalide rada - II kategorija). S tim u vezi je trenutno u proceduri donošenje nove Odluke o određivanju lugarskih reona na području Zeničko-dobojskog kantona kojom se od postojećih 84 lugarska reona formira ukupno 81 lugarski reon na koje reone trebaju biti raspoređeni čuvari (lugari) šuma. Na području Kantona, šume i šumska zemljišta se prostiru na površini od oko 215.114 ha i planirano je da površina lugarskog reona u prosjeku iznosi oko 2.660 ha. Lugarski reoni su raspoređeni po odjeljenjima, u kojima broj reona zavisi od površine šuma i šumskog zemljišta koja se čuva.

U 2020. godini, poslove čuvanja šuma na tada određena 84 lugarska reona obavljalo je 74 čuvara šuma. Kako bi se obezbijedilo čuvanje šuma na cijeloj površini, Uprava je bila prinuđena da pojedine lugarske reone podijeli na dijelove i pripoji susjednim reonima. Zbog nedostatka potrebnog broja čuvara šuma, došlo je i do značajnog povećanja veličine lugarskih reona, što je uticalo na povećanje obima poslova. Stoga je, umjesto planirane površine od oko 2.600 ha, veličina pojedinih reona povećana na preko 3.000 ha.

Veliki procenat bespravno posječene i otuđene drvene mase za koju nije otkriven počinioc (a koja iznosi preko 70 %), pored ostalih faktora, je u vezi sa povećanjem obima poslova. Veličina lugarskog reona direktno utiče na kvantitet i kvalitet obavljenih poslova. Poslovi čuvara šuma su propisani Zakonom o šumama, a između ostalih poslova, tu spadaju i poslovi evidentiranja bespravno posječene drvene mase i drugih bespravnih radnji u šumi i na šumskom zemljištu, otkrivanje počinioca, dokumentovanje krivičnih i prekršajnih djela, podnošenje prijave nadležnim sudovima i tužilaštvu. Posebno je povećan obim poslova čuvara šuma u smislu da po svakoj podnesenoj prekršajnoj ili krivičnoj prijavi čuvar šuma ima obavezu najmanje dva puta se pojaviti pred tužiocem, sudom ili kod policijskog organa a u svojstvu svjedoka po prijavi.

Kontrolni lugari – Usvajanjem novog Pravilnika je broj kontrolnih lugara smanjen sa 15 na 13 izvršioca. Novom sistematizacijom je planirano da kontrolu rada čuvara šuma vrši 13 kontrolnih lugara, te je u izvještajnoj godini, na poslovima kontrole lugarskih reona bilo i raspoređeno ukupno 13 kontrolnih lugara.

Viši stručni saradnik za integralnu zaštitu šuma – Planirano je da u 9 Odjeljenja, pored šefova bude zaposleno i 9 viših stručnih saradnika za poslove integralne zaštite šuma. U 2020. godini te poslove višeg stručnog saradnika je obavljalo samo 4 izvršioca od planiranih 9 izvršilaca. Zakonom o šumama je propisano, da za sve poslove u šumarstvu koje obavlja Šumsko privredno društvo, kao korisnik šuma, mora biti izvršen tehnički prijem radova, putem formiranja komisije, u kojoj učestvuje

i jedan inženjer šumarstva iz Kantonalne uprave. Godišnje se obavi nekoliko stotina tehničkih prijema. Zbog nepopunjenosti viših stručnih saradnika, pored drugih redovnih poslova, šefovi odjeljenja su prinuđeni da obavljaju i poslove tehničkog prijema radova, poslove doznake u privatnim šumama i druge poslove, što se negativno odražava na obavljanje redovnih poslova iz opisa radnog mjesta šefa odjeljenja.

II.2. Napadi na čuvare šuma – Čuvari šuma su na terenu svakodnevno izloženi verbalnim i fizičkim prijetnjama od strane šumokradica. Proteklih godina, podneseno je 54 prijave zbog fizičkih napada i upućivanja prijetnji na čuvare šuma, a u 2020. godini je podneseno 5 prijava Ministarstvu unutrašnjih poslova ZDK. Mjere poduzete protiv počinioca napada na službenu osobu nisu smanjile navedene aktivnosti šumokradica, jer svi postupci koji se vode pred sudovima se ne tretiraju kao napad na službenu osobu. Ugrožavanje sigurnosti čuvara šuma, kao i prijetnje njihovim porodicama se kontinuirano nastavljaju, a to se direktno odražava i na kvalitet obavljanja poslova (kao što su npr. rad u kasnim noćnim i ranim jutarnjim satima i dr.).

II.3. Kršenje radne discipline – Jedan od uzroka povećanog obima šumskih krađa je i kršenje radne discipline. Na provjerama, po usmenim i pismenim pritužbama građana i drugih subjekata poduzimaju se sve raspoložive mjere i radnje, među kojima su i vanredne kontrole lugarskih reona.

Protiv državnih službenika i namještenika za izvršene povrede službene dužnosti, prethodnih godina je podneseno 177 disciplinskih prijava, po kojima su provedeni odgovarajući disciplinski postupci i izrečene adekvatne disciplinske mjere i kazne. Samo u 2020. godini je pokrenuto ukupno 17 disciplinskih postupaka protiv namještenika i nakon okončanih postupaka su izrečene odgovarajuće disciplinske mjere i kazne.

II.4. Ostalo – Na obavljanje poslova je uticala i kriza izazvana korona virusom Covid-19, koja je nezabilježena u današnjoj istoriji po načinu i brzini nastanka, globalnom prostiranju i posljedicama. Od polovine marta 2020. godine, na nivou Države i Kantona je intenzivirano provođenje vanrednih mjera za sprečavanje širenja zaraze izazvane korona virusom što je otežalo obavljanje redovnih poslova. Dodatno, organizacija poslova je otežana i uslijed povećanog broja dana bolovanja zbog oboljevanja zaposlenih od korone.

Pored svih gore navedenih poteškoća s kojima se susreće Kantonalna uprava za šumarstvo kada je u pitanju zaštita i čuvanje šuma, važno je istaći da nekoliko čuvara šuma ne ispunjava zakonom propisane uslove za obavljanje poslova i to: četiri čuvara šuma nisu u mogućnosti zadužiti službeno oružje, dok je kod četiri čuvara šuma nadležni organ utvrdio invalidnost II kategorije, sa obavezom rasporeda na lakše poslove koji isključuju poslove čuvanja šuma. Zbog toga je Uprava morala novim Pravilnikom planirati i novo radno mjesto – Viši referent za operativnu podršku i prikupljanje podataka sa 4 izvršioca (radno mjesto određeno za invalide rada-II kategorija). Pored činjenice da smo na taj način izvršili raspored 4 čuvara šuma-invalida rada na lakše radno mjesto i dalje se pojavljuje problem u vezi sa rasporedom novih invalida rada, kojima nadležni organ utvrdi II kategoriju invalidnosti, jer Uprava više nema utvrđenih radnih mjesta na koja bi rasporedila te namještenike. Trenutno je još jedan namještenik-čuvare šuma dobio status invalida II kategorije, a u budućnosti se očekuje još takvih namještenika, za koja nećemo biti u mogućnosti iznaći adekvatna rješenja izuzev slanja na tzv. materijalno čekanje.

III. Podaci o štetama od bespravno posjeđene drvene mase u 2020. godini

Naprijed su navedeni neki od problema, koji su imali uticaj na obavljanje poslova Kantonalne uprave na zaštiti šuma i šumskog zemljišta. Kako bi se moglo govoriti o razmjerama šumskih krađa navest ćemo podatke o evidentiranoj bespravno posjeđenoj drvnoj masi u prošloj godini:

- Ukupne štete od bespravno posjeđene drvene mase

U šumama (državnim i privatnim) na području Kantona, u 2020. godini je evidentirano ukupno 20.278,16 m³ bespravno posjeđene drvene mase, čija se vrijednost procjenjuje na iznos od 1.279.199,22 KM. Od ukupno evidentirane bespravno posjeđene drvene mase počinioc je otkriven za količinu od 5.177,92 m³ ili 26 %, dok za količinu od 15.100,24 m³ ili 74 % nije otkriven počinioc. Zaplijenjeno je 2.144,19 m³ drvene mase.

Nadležnim sudovima i Kantonalnom tužilaštvu su podnesena 1.252 zahtjeva za pokretanje prekršajne i krivične odgovornosti za štete pričinjene u šumama i na šumskom zemljištu, od toga je 90 zahtjeva za pokretanje krivične odgovornosti i 1.162 zahtjeva za pokretanje prekršajne odgovornosti. Po pokrenutim postupcima je obračunata šteta u iznosu od 534.502,99 KM. Istovremeno po prijavama iz prošle i prethodnih godina, sudovi su okončali postupak i donijeli presude za 574 prijave i to za 45 krivičnih prijava i 529 prekršajnih prijava.

Tabela 1.

Godina	Podneseno prijava:			Evidencija bespravno posjeđene drvene mase:			Iznos štete po osnovu drveta	Zaplijenjena drvena masa
	Prekršajne	Krivične	Ukupno	Državne šume	Privatne šume	Ukupno		
	kom	kom	kom	m ³	m ³	m ³		
1	2	3	4	5	6	7	8	9
2020.	1.162	90	1.252	16.564,40	3.713,76	20.278,16	1.279.199,22	2.144,19

Podaci o podnesenim prijavama i otuđenom drvetu iz državnih i privatnih šuma u 2020. godini - ukupno, po općinama (Tabela BS.1.), Podaci o podnesenim prijavama i otuđenom drvetu iz državnih i privatnih šuma u 2020. godini - ukupno, po odjeljenjima (Tabela BS.2.), Podaci o bespravno posjeđenim drvnim masama u 2020. godini po odjeljenjima (Tabela BS.3.), Podaci o bespravno posjeđenim drvnim masama u 2020. godini po lugarskim reonima (Tabela BS.3.1) su dostavljeni u prilogu.

- Štete u državnim šumama od bespravno posjeđene drvene mase

U državnim šumama je evidentirano ukupno 16.564,40 m³ bespravno posjeđene drvene mase, čija procijenjena vrijednost iznosi 1.023.183,87 KM. Od ukupno bespravno posjeđene drvene mase počinioc je otkriven za drvenu masu od 2.934,24 m³ ili 18 %, dok za količinu od 13.630,16 m³ ili 82 % nije otkriven počinioc.

Nadležnim sudovima i Kantonalnom tužilaštvu je podneseno 1.026 zahtjeva za pokretanje prekršajne i krivične odgovornosti za štete pričinjene u državnim šumama i na šumskom zemljištu, od toga su 74 zahtjeva za pokretanje krivične odgovornosti i 952 zahtjeva za pokretanje prekršajne odgovornosti. Po pokrenutim postupcima je obračunata šteta u iznosu od 444.470,37 KM. U istom periodu po prijavama iz prošle i prethodnih godina, sudovi su okončali postupak i donijeli presude za 480 prijava i to za 43 krivične prijave i 437 prekršajnih prijava.

Tabela 2.

Godina	Podneseno prijava:			Evidencija bespravno posjeđene drvene mase po:			Iznos štete po osnovu drveta
	Prekršajne	Krivične	Ukupno	Poznatom počiniocu	Nepoznatom počiniocu	Ukupno	
	kom	kom	kom	m ³	m ³	m ³	
1	2	3	4	5	6	7	8
2020.	952	74	1.026	2.934,24	13.630,16	16.564,40	1.023.183,87

Podaci o podnesenim prijavama i otuđenom drvetu iz državnih šuma u 2020. godini - po opštinama (*Tabela BS.1.1*), Podaci o podnesenim prijavama i otuđenom drvetu iz državnih šuma u 2020. godini - po odjeljenjima (*Tabela BS.2.1*) su dostavljeni u prilogu.

- Štete u privatnim šumama od bespravno posjeđene drvene mase

U privatnim šumama je evidentirano ukupno 3.713,76 m³ bespravno posjeđene drvene mase, čija procjenjena vrijednost iznosi 256.015,35 KM. Od ukupno bespravno posjeđene drvene mase počinioc je otkriven za drvenu masu od 2.243,68 m³ ili 60 % , dok za količinu od 1.470,08 m³ ili 40 % nije otkriven počinioc.

Nadležnim sudovima i Kantonalnom tužilaštvu je podneseno 226 zahtjeva za pokretanje prekršajne i krivične odgovornosti za štete pričinjene u privatnim šumama i na šumskom zemljištu, od toga je 16 zahtjeva za pokretanje krivične odgovornosti i 210 zahtjeva za pokretanje prekršajne odgovornosti. Po pokrenutim postupcima je obračunata šteta u iznosu od 90.032,62 KM. U istom periodu po prijavama iz prošle i prethodnih godina, sudovi su okončali postupak i donijeli presude za 94 prijave i to za 2 krivične i 92 prekršajne prijave.

Tabela 3.

Godina	Podneseno prijava:			Evidencija bespravno posjeđene drvene mase po:			Iznos štete po osnovu drveta
	Prekršajne	Krivične	Ukupno	Poznatom počiniocu	Nepoznatom počiniocu	Ukupno	
	kom	kom	kom	m ³	m ³	m ³	
1	2	3	4	5	6	7	8
2020.	210	16	226	2.243,68	1.470,08	3.713,76	256.015,35

Podaci o podnesenim prijavama i otuđenom drvetu iz privatnih šuma u 2020. godini - po opštinama (*Tabela BS.1.2*), Podaci o podnesenim prijavama i otuđenom drvetu iz privatnih šuma u 2020. godini - po odjeljenjima (*Tabela BS.2.1*) su dostavljeni u prilogu.

- Analiza pokazatelja o stanju šuma, vezano za bespravno posjeđenu drvenu masu

Na osnovu pokazatelja, može se konstatovati da je u 2020. godini došlo do povećanja evidentirane bespravno posjeđene drvene mase u odnosu na 2019. godinu.

Kao što je prikazano u *Tabeli 4. u šumama na području Kantona*, u 2020. godini, evidentirana bespravno posjeđena drvena masa je za 17% veća, u odnosu na 2019. godinu. Procijenjeni iznos štete od šumskih krađa je povećan za 15 %, dok je izvršena zaplijena drvene mase veća za 29 %. U odnosu na prošlu godinu manje su podnesena 103 zahtjeva za pokretanje prekršajne i krivične odgovornosti za

štete pričinjene u šumama i na šumskom zemljištu, od toga je manje podneseno 40 zahtjeva za pokretanje krivične odgovornosti i 63 zahtjeva za pokretanje prekršajne odgovornosti.

Tabela 4.

Godina	Ukupno podneseno prijava u državnim i privatnim šumama:			Evidencija bespravno posjećene drvene mase u šumama:			Iznos štete po osnovu drveta	Zaplijenjena drvena masa
	Prekršajne	Krivične	Ukupno	Državne šume	Privatne šume	Ukupno		
	kom	kom	kom	m ³	m ³	m ³		
1	2	3	4	5	6	7	8	9
2020.	1.162	90	1.252	16.564,40	3.713,76	20.278,16	1.279.199,22	2.144,19
2019.	1.225	130	1.355	14.118,85	2.934,29	17.053,14	1.111.204,24	1.660,60

Na osnovu podataka u tabeli 5. u **državnim šumama** – u 2020. godini evidentirana bespravno posjećena drvena masa je veća za 17 %, dok je procijenjeni iznos štete od šumskih krađa uvećan za 12%, u odnosu na 2019. godinu. U istom period manje su podnesena 133 zahtjeva za pokretanje prekršajne i krivične odgovornosti za štete pričinjene u državnim šumama i na šumskom zemljištu, od toga su manje podnesena 42 zahtjeva za pokretanje krivične odgovornosti i 91 zahtjev za pokretanje prekršajne odgovornosti.

Tabela 5.

Godina	Podneseno prijava u državnim šumama:			Evidencija bespravno posjećene drvene mase u državnim šumama po:			Iznos štete po osnovu drveta
	Prekršajne	Krivične	Ukupno	Poznatom počiniocu	Nepoznatom počiniocu	Ukupno	
	kom	kom	kom	m ³	m ³	m ³	
1	2	3	4	5	6	7	8
2020.	952	74	1.026	2.934,24	13.630,16	16.564,40	1.023.183,87
2019.	1.043	116	1.159	2.851,42	11.267,43	14.118,85	913.168,03

Kao što je prikazano u tabeli 6. obim bespravnih sječa u **privatnim šumama** – u 2020. godini se neznatno razlikuje u odnosu na 2019. godinu.

Tabela 6.

Godina	Podneseno prijava u privatnim šumama:			Evidencija bespravno posjećene drvene mase u privatnim šumama po:			Iznos štete po osnovu drveta
	Prekršajne	Krivične	Ukupno	Poznatom počiniocu	Nepoznatom počiniocu	Ukupno	
	kom	kom	kom	m ³	m ³	m ³	
1	2	3	4	5	6	7	8
2020.	210	16	226	2.243,68	1.470,08	3.713,76	256.015,35
2019.	182	14	196	1.663,91	1.270,38	2.934,29	198.036,21

IV. Uloga drugih u sprečavanju šumskih krađa

Zakonom o šumama Zeničko-dobojsko kantona je definisano da: **Integralna zaštita šuma** predstavlja multidisciplinarni koncept koji zagovara odgovornost svih subjekata koji koriste prirodne resurse: upravljanje šumama, gospodarenje šumama i podizanje svijesti građana. Integralna zaštita

šuma se tako može sagledati sa dva aspekta: u širem smislu (obaveze svih subjekata društva) i u užem smislu (obaveze samo djelatnosti šumarstva).

Pored Kantonalne uprave za šumarstvo na sprečavanju šumskih krađa, veliku ulogu imaju:

Šumsko privredno društvo - Ugovorom o prenosu poslova gospodarenja državnim šumama na području Zeničko-dobojskog kantona kantonalnom šumskoprivrednom društvu preneseni su pored ostalih i određeni poslovi integralne zaštite šuma, a kantonalnoj upravi za šumarstvo je data obaveza kontinuirane kontrole i nadzora nad realizacijom pomenutog ugovora. S tim u vezi, vršene su kontrole i evidentirane nepravilnosti u gospodarenju državnim šumama. Za učinjene nepravilnosti su podnošene prijave.

Međutim, od osnivanja ove Uprave, Preduzeće koje koristi šume, i pored činjenice da bi trebalo direktno biti zainteresovano, tokom svih ovih godina ne čini dovoljno, čak ni ono što je Zakonom o šumama i Ugovorom dužno, kako bi se efikasnije provodile mjere na zaštiti šuma, posebno zaštititi šuma od šumskih krađa. Nažalost, u dosadašnjoj praksi na zaštiti šuma imamo veću pomoć od mjesnog stanovništva nego od Preduzeća.

To se može konstatovati i na osnovu tabele (u prilogu): Podaci o podnesenim prijavama, zaplijenjenoj i oduzetoj drvnjoj masi i oduzetim sredstvima prilikom izvršenja kaznenog djela u 2020. godini (*Tabela BS.4.*).

MUP - kontrola puteva kojima se izvozi drvna masa - Činjenica je da sva drvna masa nastala šumskom krađom stavlja u promet do konačnog korisnika. Uprava ima pravo da vrši kontrolu i zaplijenu drvene mase samo na šumskim putevima, koji čine mali procenat svih puteva na području Kantona. Na javnim saobraćajnicama zaustavljanje, kontrolu i eventualno oduzimanje ukradene robe i vozila, tj sredstava kojima je učinjeno krivično djelo, zakonski mogu vršiti samo pripadnici policije, odnosno Ministarstva unutrašnjih poslova.

U prošloj godini, u sklopu akcije na suzbijanju šumskih krađa, pojačano je učešće MUP-PS u zaplijeni drvene mase. Na inicijativu MUP-PS izvršena je zaplijena 44,20 m³ i podneseno je 26 prijava. Istovremeno pripadnici MUP – PS su vršili i zaplijenu sredstava kojima je izvršeno kazneno djelo.

U prilogu je dostavljena tabela: Podaci o podnesenim prijavama, zaplijenjenoj i oduzetoj drvnjoj masi i oduzetim sredstvima prilikom izvršenja kaznenog djela u 2020. godini (*Tabela BS.4.*).

Broj šumarskih inspektora - Na području Kantona poslove šumarske inspekcije obavlja samo jedan šumarski inspektor. U odnosu na obim poslova, prema važećem Zakonu o šumama i obimu nezakonitih radnji u šumama i na šumskom zemljištu, smatramo da je nedovoljan broj šumarskih inspektora.

V Direktni uticaji na obim šumskih krađa

- **Manjak šumskih drvnih sortimentata na tržištu** – Na tržištu je velika potražnja za šumskim drvnim sortimentima, kojih nema u dovoljnim količinama. Manjak drvene mase nadoknađuje se djelomično i iz bespravnih sječa. Šume i šumska zemljišta kao otvorena skladišta drvene mase, sa nedovoljnom zaštitom svih segmenata društva predstavljaju lagan plijen za šumokradice.

- Ogrevno drvo je i dalje primarni i osnovni energent za zagrijavanje domaćinstava. Neriješeno pitanje zagrijavanja gradova, kao i cijene drugih energenata (ugalj, plin i dr.) koji su dosta skuplji od ogrevnog drveta utiču na povećanje potreba za ogrevnim drvetom. Zbog nedostatka ogrevnog drveta na tržištu, stanovništvo je prinuđeno problem snabdijevanja rješavati na razne načine, pa i putem prekomjernih bespravnih sječa ili drvetom iz šumskih krađa.

- Sličan slučaj je i sa potrebama za šumskim drvnim sortimentima od strane legalnih i nelegalnih reznih objekata, čiji su kapaciteti višestruko veći od količina drveta ponuđenih iz legalnih sječa na području Kantona.

- **Socijalna problematika** – teško socijalno stanje stanovništva, nezaposlenost i nedostatak osnovnih sredstava za egzistenciju, dio stanovništva nastoji riješiti kroz obezbjeđivanje materijalne koristi vršenjem bespravnih sječa i drugih nezakonitih radnji u šumarstvu. Ovo se temelji na činjenici da se znatan broj fizičkih lica učestalo pojavljuje u službenim evidencijama kao počinioši šumskih krađa. Znači ima mnogo povratnika u vršenju šumskih krađa i nisu rijetki slučajevi da je protiv jednog lica podneseno više prijava za šumske krađe.

- **Visok stepen kriminalnih radnji** u svim segmentima društva smanjuje angažman nadležne policije na sprječavanje nezakonitih radnji vezanih za šumu i šumske krađe, a poslovi zaštite šuma su ostavljeni isključivo Kantonalnoj upravi za šumarstvo.

- **Nezakonite radnje koje doprinose povećanju obima šumskih krađa** - Na osnovu višegodišnjih praktičnih iskustava u zaštiti šuma i šumskog zemljišta, šumske krađe se odvijaju kroz više nezakonitih radnji koje su međusobno povezane i koje se naročito ogledaju u slijedećem:

Vršenju bespravnih sječa - bespravne sječe se vrše bez obzira na doba dana i noći, naročito u kasnim večernjim i ranim jutarnjim satima. Šumokradice su dobro organizovane, putem mobilnih telefona prate kretanje čuvara šuma i ukoliko je čuvar šuma na jednom dijelu reona vrše bespravne sječe na drugom dijelu. Velika prednost šumokradica je i u činjenici da rade u grupama i nemaju radno vrijeme, dok Kantonalna uprava poslove čuvanja šuma obavlja 5 dana u sedmici, klizno po 8 sati u toku dana.

Učešće registrovanih i neregistrovanih motornih vozila u vršenju nelegalnog prometa drvne mase - veoma važan segment, ako ne i jedan od osnovnih u zaštiti šuma od šumskih krađa predstavlja bespravan promet drveta. Šumokradice ne bi imale nikakvu korist od bespravnih sječa ako bi bespravno posječeno drvo ostalo u šumi kod panja. U bespravnom prometu pored registrovanih motornih vozila koja su predviđena za transport drveta, sve veće učešće zauzimaju i neregistrovana vojna vozila, dok je u posljednje vrijeme sve izraženija upotreba džipova i kombija, pa i putničkih automobila, u vršenju šumskih krađa. Drvna masa porijeklom od bespravnih sječa lageruje se u dvorištima privatnih kuća ili neposredno u urbanim sredinama. Da bi se postigli bolji rezultati u smanjenju šumskih krađa potrebno je maksimalno pojačati kontrolu prometa drveta na putevima i vršiti oduzimanje svog drveta nađenog u prometu bez uredne dokumentacije.

Neefikasnost privremenog oduzimanja predmeta i sredstava kojima je počinjena šumska krađa – Poseban problem u provođenju poslova na zaštiti šuma čini i provođenje cjelokupne procedure privremenog oduzimanja roba i sredstava kojima je izvršena nezakonita radnja. U vršenju nezakonitog prometa veliku ulogu imaju vlasnici neregistrovanih i specijalno prilagođenih vojnih vozila, džipova i kombi vozila, koja su svakodnevno prisutna u ponovnom vršenju nezakonitih radnji. U provođenju postupka privremenog oduzimanja, čuvarska služba u saradnji sa policijskim organima kontinuirano vrši postupak privremenog oduzimanja nelegalne drvne mase. Međutim, problem se pojavljuje prilikom provođenja postupaka privremenog oduzimanja sredstava kojima se vrše nezakonite radnje prometa drveta. Uprava, pored policije, aktivno učestvuje u zaplijeni vozila, procedure su spore i komplikovane, a često se dešava da nakon podnošenja prekršajnih zahtjeva i prijedloga za trajno oduzimanje sredstava kojima su izvršeni prekršaji, nadležni sud donese odluku kojima se nalaže vraćanje tih sredstava vlasniku. Procedura zaplijene i oduzimanja vozila podrazumjeva provođenje više radnji, kao što su: traženje odobrenja od suda za zaplijenu, lagerovanje vozila, okončanje pokrenutog postupka i čekanje sudske odluke po predloženim mjerama oduzimanja i

na kraju provođenje postupka licitacije. Mišljenja smo da se ovako komplikovanom procedurom ne postiže željeni rezultat, odnosno ne šalje se poruka da se ne isplati vlastitim vozilom vršiti bespravan promet drveta. U posljednje vrijeme, Uprava policije nam značajno pomaže oko provođenja ovih procedura.

Nezakonitosti u radu pilanskih i drugih reznih jedinica – Na području Kantona, instaliran je veliki broj legalnih i nelegalnih reznih objekata (pilane, cekulari, brente i dr.). U nedostatku dovoljne količine legalno isporučene drvene mase, pojedini legalni pilanski kapaciteti u svom radu koriste i drvenu masu koja je porijeklom od bespravnih sječa, a ponekad predstavljaju produženi lanac u plasmanu rezane građe prerađene u nelegalnim pilanama, a koje vode porijeklo od bespravnih sječa. Pored činjenice da se nelegalnim pilanama u legalnoj proceduri ne isporučuje drvena masa, iste dugi niz godina postoje i egzistiraju na terenu i obavljaju djelatnost rezanja drveta. Prema tome, nelegalni postrojenja za rezanje drveta isključivi su potrošači nelegalne drvene mase, koju na razne načine nastoje da nabave, pa i putem šumskih krađa. U prilog navedenoj konstataciji navodimo i podatak da su vlasnici ili lica koja direktno opslužuju rad nelegalnih pilana, u većini slučajeva i direktni počinioci bespravnih sječa i nelegalnog prometa. U ovakvim tržišnim uslovima, dešavaju se slučajevi da i legalne pilane u svom radu vrše primarnu preradu drvene mase porijeklom od bespravnih sječa kao i daljnju distribuciju dobivene rezane građe. Sa terena smo obavještavani više puta, da nadležne inspekcije dođu i zapečate takva postrojenja, ali vlasnici samovoljno skidaju plombu i nastavljaju da vrše djelatnost rezanja drveta. Uprava obavlja poslove kontrole drveta, kako na legalnim, tako i na nelegalnim reznim postrojenjima. Ukoliko se pronade drvo bez porijekla poduzimaju se potrebne mjere i radnje, kao što su zaplijena drveta i podnošenje prijave.

Kapacitet instaliranih reznih postrojenja – Ne raspolažemo podacima koliki su kapaciteti instaliranih reznih objekata, ni legalnih, a još manje nelegalnih. Sama činjenica da je potražnja za drvetom veća nego što je ponuda na području Kantona, a i same Države, dovodi do zaključa da su instalirani kapaciteti višestruko veći od potrebnih. Međutim, svakodnevno se putem sredstava informisanja šalje poruka, da ima prostora za povećanjem obima poslova koji kao sirovinu koriste šumske drvene proizvode. Što se prije prihvati činjenica da šume nisu neiscrpan izvor drveta, prije će se promijeniti politika prema ovom resursu. Šume, za razliku od poljoprivrede, traže višedecenijski vremenski period kako za podizanje tako i za oporavak. Činjenica da su naše šume devastirane dugi niz godina tokom rata i u poslijeratnom periodu, da je u tom periodu vršena eksploatacija velikih razmjera, dok su istovremeno vršena mala ili nikakva ulaganja govori nam da smo bogati siromašnim šumama.

VI. Prijedlog mjera, koje mogu dovesti do smanjenja šumskih krađa

Bez obzira na naprijed navedene pokazatelje da su smanjene štete nastale bespravnim sječama i šumskim krađama, mišljenja smo da stanje šuma i odnos prema zaštiti šuma nije zadovoljavajući. Šume su i dalje jako ugrožene. Potrebno je nastaviti sa svim aktivnostima kako bi se bespravne radnje u šumi i na šumskom zemljištu, a samim tim i šumske krađe svele u neke normalne okvire.

Odnos prema šumi, kao dobru od općeg interesa, mora da se mijenja u svim segmentima društva, počevši od najmlađih. Stoga smatramo, da je pod hitno potrebno pojačati aktivnosti na edukaciji školske djece (npr. organizovanjem više časova u prirodi).

Analizom svega naprijed navedenog, može se govoriti o mjerama koje treba poduzeti, kako bi se smanjio obim šumskih krađa na području Zeničko-dogojskog kantona. Program mjera koji se trebaju poduzeti kako bi se smanjio obim šumskih krađa, može se podijeliti na dva dijela i to opšte mjere i direktne mjere.

Prijedlog opštih mjera:

Poboljšanje opšteg stanja u društvu - Ovo su mjere koje se trebaju provoditi kontinuirano i koje dugoročno daju rezultate. Naprimjer, smanjenje nezaposlenosti, poboljšanje socijalnog stanja stanovništva, primjena drugih energenata za zagrijavanje domaćinstava itd. predstavljaju dugoročne mjere za smanjenje obima šumskih krađa.

U cilju podizanja svijesti građana, potrebno je kontinuirano, provoditi obrazovno-odgojne mjere o značaju šuma i šumskog zemljišta, koje uključuju educiranje stanovništva, turista i školske djece putem edukativnih brošura, članaka, filmova te informacijama putem javnih medija.

Poboljšanje u svim segmentima u oblasti šumarstva – Da bi se postigli značajniji rezultati u suzbijanju i smanjenju obima šumskih krađa potrebno je poduzeti slijedeće mjere:

Program direktnih mjera za poboljšanje aktivnosti u sprečavanju bespravne sječe šume na području Zeničko-dobojskog kantona

Red broj	Naziv mjere	Zaduženje	Rok za provođenje mjera
1.	Pojačati nadzor, kontrolu i poduzimati mjere prilikom provođenja svih radova na iskorištavanju, uzgoju i zaštiti šuma u državnim i privatnim šumama	Kantonalna uprava za šumarstvo	kontinuirano
2.	Pojačati kontrole prilikom izvođenja svih radova na iskorištavanju, uzgoju i zaštiti državnih šuma u skladu sa Zakonom o šumama	Šumsko privredno društvo	kontinuirano
3.	Pojačati kontrolu rada svih zaposlenih i pooštriti disciplinske mjere	Direktorica, Šefovi Odjeljenja	kontinuirano
4.	Intenzivirati redovne i vanredne kontrole rada na terenu i pojačati kontrole čuvara šuma	Direktorica, Stručni saradnik za internu kontrolu, registar i analizu, Interni kontrolor, Kontrolni lugari	kontinuirano
5.	Poećati broj šumarskih inspektora	Vlada Zeničko-dobojskog kantona	odmah
6.	Pravovremeno obezbjeđivanje građanstva raspoloživim količinama ogrevnog drveta	Šumsko privredno društvo	kontinuirano

Prilozi : Tabele od 1 do 4

Broj: 05-1-22-4912/21
Zenica, 08.04.2021. godine

Informaciju izradila:
Kantonalna uprava za šumarstvo
Zeničko-dobojskog kantona

PODACI O BESPRAVNO POSJEĆENIM DRVNIM MASAMA U 2020. GODINI
(po lugarskim reonima)

Tabela BS 3.1

Red.broj	Lugarski reon	Državne šume					Privatne šume					Sveukupno		
		Površina	Podneseno prijava	Evidentirano bespravno posjeđene drvene mase u državnim šumama po:			Površina	Podneseno prijava	Evidentirano bespravno posjeđene drvene mase u privatnim šumama po:			Iznos štete po osnovu posjeđene drvene mase	Evidentirano bespravno posjeđene drvene mase	Zaplijenjena drvena masa
				utvrđenom počinocu	neutvrđenom počinocu	Ukupno			utvrđenom počinocu	neutvrđenom počinocu	Ukupno			
1	2	3	4	5	6	7	8	9	10	11	12	13	14	15
1	Vranduk	1.973,00	18	43,81	230,37	274,18	138,00	0	0,00	83,87	83,87		358,05	53,11
2	Orahovica	1.691,00	30	24,51	470,75	495,26	83,00	1	5,26	8,29	13,55		508,81	20,44
3	Šerići	3.023,00	19	91,31	1.522,16	1.613,47	102,00	0	0,00	0,00	0,00		1.613,47	126,73
4	Starina	1.727,00	29	70,61	525,30	595,91	71,00	0	0,00	0,00	0,00		595,91	93,80
5	Pepelari	3.021,69	24	52,76	93,67	146,43	148,00	1	1,95	0,00	1,95		148,38	32,76
6	Gladovići	2.450,31	20	23,78	137,66	161,44	206,51	0	0,00	14,62	14,62		176,06	26,60
7	Gračanica	2.317,00	24	45,62	323,97	369,59	352,00	1	7,47	14,06	21,53		391,12	4,60
8	Sebuje I	1.534,15	34	53,02	648,63	701,65	69,34	0	0,00	30,07	30,07		731,72	53,32
9	Sebuje II	1.628,16	35	50,48	248,74	299,22	89,24	0	0,00	0,00	0,00		299,22	50,60
10	Lastavica	1.413,00	16	14,23	83,96	98,19	144,00	0	0,00	0,00	0,00		98,19	71,88
11	Arnauti	1.082,00	13	14,64	49,55	64,19	86,00	0	0,00	0,00	0,00		64,19	0,00
12	Palinovići	800,00	25	31,04	426,22	457,26	165,00	0	0,00	18,72	18,72		475,98	31,77
13	Lašva	1.235,00	58	109,77	280,39	390,16	47,00	0	0,00	7,66	7,66		397,82	64,67
14	Janjići	1.492,00	3	6,77	206,25	213,02	505,00	0	0,00	58,01	58,01		271,03	36,67
15	Pojske	1.625,00	118	277,04	129,35	406,39	537,00	3	19,70	16,53	36,23		442,62	53,71
15	1. Zenica	27.012,31	466	909,39	5.376,97	6.286,36	2.743,09	6	34,38	251,83	286,21	236.879,61	6.572,57	720,66
1.	Trebačko brdo	1.086,00	8	29,79	32,80	62,59	1.545,00	4	56,82	0,00	56,82	11.155,54	119,41	1,95
2.	Zmajevac	1.542,00	13	47,38	23,43	70,81	2.101,00	2	76,83	0,00	76,83	13.948,91	147,64	22,04
3.	Mahnjača	2.090,00	19	114,98	18,75	133,73	30,00	0	0,00	0,00	0,00	12.376,75	133,73	58,21
4.	Karanovica	1.798,00	3	92,59	21,50	114,09	20,00	0	0,00	0,00	0,00	8.742,22	114,09	69,09
4	2. Tešanj	6.516,00	43	284,74	96,48	381,22	3.696,00	6	133,65	0,00	133,65	46.223,42	514,87	151,29
1	Kosova	1.554,30	7	22,80	112,87	135,67	674,91	8	42,58	66,64	109,22	24.475,08	244,89	9,73

PODACI O BESPRAVNO POSJEĆENIM DRVNIM MASAMA U 2020. GODINI
(po lugarskim reonima)

Tabela BS 3.1

Red.broj	Lugarski reon	Državne šume					Privatne šume					Sveukupno		
		Površina	Podneseno prijava	Evidentirano bespravno posjećene drvine mase u državnim šumama po:			Površina	Podneseno prijava	Evidentirano bespravno posjećene drvine mase u privatnim šumama po:			Iznos štete po osnovu posjećene drvine mase	Evidentirano bespravno posjećene drvine mase	Zaplijenjena drvena masa
				utvrđenom počinioocu	neutvrđenom počinioocu	Ukupno			utvrđenom počinioocu	neutvrđenom počinioocu	Ukupno			
ha	kom	m ³	m ³	m ³	ha	kom	m ³	m ³	m ³	KM	m ³	m ³		
1	2	3	4	5	6	7	8	9	10	11	12	13	14	15
2	Sikola	1.300,70	12	20,02	77,69	97,71	607,82	4	13,62	32,62	46,24	13.525,99	143,95	10,00
3	Novi Šeher	1.772,40	5	9,81	210,30	220,11	487,59	8	39,15	65,58	104,73	29.650,62	324,84	25,08
4	Bočinja	1.127,31	8	11,35	53,90	65,25	1.549,32	8	234,75	69,70	304,45	36.767,07	369,70	17,95
5	Rakovac	1.596,50	6	15,40	81,02	96,42	1.601,03	16	180,20	124,03	304,23	29.410,61	400,65	11,58
6	Bukovica	1.732,27	1	1,30	226,37	227,67	1.584,12	7	106,47	27,23	133,70	35.009,52	361,37	8,84
6	3. Maglaj	9.083,48	39	80,68	762,15	842,83	6.504,79	51	616,77	385,80	1.002,57	168.838,89	1.845,40	83,18
1	Buretina	1.963,87	7	14,74	163,72	178,46	780,90	2	3,25	33,86	37,11	23.719,36	215,57	4,80
2	Stara Kamen. I i II	4.706,25	0	0,00	13,60	13,60	2,34	0	0,00	0,00	0,00	1.117,37	13,60	0,00
3	Lužnica I i II	6.330,62	0	0,00	49,72	49,72	0,00	0	0,00	0,00	0,00	5.583,57	49,72	13,70
4	Mašica	3.697,90	4	4,04	454,47	458,51	147,43	0	0,00	88,43	88,43	56.126,02	546,94	9,00
5	Ravna Gora	3.138,53	6	4,30	554,07	558,37	241,50	1	0,50	15,72	16,22	55.893,62	574,59	11,45
6	Lovnica-Kučice	750,10	5	39,28	548,52	587,80	335,19	15	74,62	82,26	156,88	50.673,69	744,68	0,00
7	Vozućica	2.936,18	0	0,00	57,77	57,77	446,50	5	20,00	4,04	24,04	8.527,45	81,81	0,00
8	Dištica-Runješ	2.741,48	0	0,00	0,00	0,00	315,11	0	0,00	0,00	0,00	0,00	0,00	0,00
9	Zavidovići-Klek	1.590,61	20	112,38	637,74	750,12	553,06	7	40,28	18,11	58,39	80.311,39	808,51	96,76
10	M.Maoča-Ribnica	1.932,83	4	21,10	837,42	858,52	183,32	7	78,79	48,75	127,54	103.961,25	986,06	6,80
11	Crnjevo	904,57	2	1,91	38,83	40,74	213,99	7	280,19	65,83	346,02	49.913,59	386,76	0,00
12	Klupe	1.114,15	2	1,70	294,44	296,14	1.313,58	3	9,01	108,97	117,98	43.332,61	414,12	3,70
13	Rujnica	964,60	2	1,42	40,20	41,62	1.224,95	11	76,05	2,14	78,19	13.246,38	119,81	0,00
14	Hajdarevići	358,62	0	0,00	46,58	46,58	1.101,18	23	155,35	61,22	216,57	22.834,71	263,15	4,00
14	4. Zavidovići	33.130,31	52	200,87	3.737,08	3.937,95	6.859,05	81	738,04	529,33	1.267,37	515.241,01	5.205,32	150,21
1	Lovnica-Orahovica	2.769,56	3	26,02	65,89	91,91	465,86	1	6,31	6,29	12,60	9.605,49	104,51	26,50

PODACI O BESPRAVNO POSJEĆENIM DRVNIM MASAMA U 2020. GODINI
(po lugarskim reonima)

Tabela BS 3.1

Red.broj	Lugarski reon	Državne šume					Privatne šume					Sveukupno		
		Površina	Podneseno prijava	Evidentirano bespravno posjećene drvne mase u državnim šumama po:			Površina	Podneseno prijava	Evidentirano bespravno posjećene drvne mase u privatnim šumama po:			Iznos štete po osnovu posjećene drvne mase	Evidentirano bespravno posjećene drvne mase	Zaplijenjena drvena masa
				utvrđenom počinioocu	neutvrđenom počinioocu	Ukupno			utvrđenom počinioocu	neutvrđenom počinioocu	Ukupno			
1	2	3	4	5	6	7	8	9	10	11	12	13	14	15
2	Želeća	1.338,06	3	12,21	43,10	55,31	40,17	1	2,10		2,10	2.137,05	57,41	
3	Begov han	1.732,55	9	13,76	13,95	27,71	38,41			7,51	7,51	1.428,36	35,22	0,89
4	Željezno polje	2.567,37	18	118,78	94,71	213,49	461,20	2	19,82	3,70	23,52	16.087,29	237,01	35,08
5	Ograina-Papratnica	2.199,15	5	26,66	8,93	35,59	220,41			2,36	2,36	2.091,05	37,95	2,66
6	Vitlaci – Duba	2.616,79	2	10,66	6,66	17,32	1.105,46	4	32,16		32,16	1.993,53	49,48	
7	Vinište - Globarica	673,45	5	19,18	23,80	42,98	1.968,21	7	64,37	39,34	103,71	7.484,58	146,69	
7	5. Žepče	13.896,93	45	227,27	257,04	484,31	4.299,72	15	124,76	59,20	183,96	40.827,35	668,27	65,13
1	Stogić	1.173,00	7	14,14	65,34	79,48	1.882,24	1		6,10	6,10		85,58	4,61
2	Zimča	1.244,40	6	74,46	78,21	152,67	417,67						152,67	62,95
3	Radovlje	1.193,00	15	27,63	95,10	122,73	456,67	1	2,47	8,72	11,19		133,92	13,10
4	Kondžilo	1.213,20	16	23,38	510,83	534,21	34,75						534,21	1,23
5	Džindići	1.506,10	9	34,38	66,99	101,37	74,34			8,23	8,23		109,60	24,23
6	Poriječani	1.820,05	6	12,26	78,52	90,78	554,86			0,91	0,91		91,69	8,57
7	Podvinci	1.497,20	8	13,03	49,58	62,61	303,92						62,61	0,00
7	6. Visoko	9.646,95	67	199,28	944,57	1.143,85	3.724,45	2	2,47	23,96	26,43	50.721,21	1.170,28	114,69
1	Žeravice	2.607,40	4	21,35	26,13	47,48	201,54	0	0,00	0,38	0,38	3.340,13	47,86	0,00
2	Karaula	3.650,24	3	0,43	11,90	12,33	119,66	1	0,00	0,00	0,00	704,00	12,33	0,00
3	Kolakovići	2.597,53	15	29,94	39,42	69,36	515,00	2	38,76	0,00	38,76	7.030,30	108,12	1,41
4	Grab	1.098,76	12	32,75	49,72	82,47	144,74	0	0,00	0,00	0,00	8.720,81	82,47	71,96
5	Bakići	1.058,15	11	16,16	211,06	227,22	183,47	2	1,89	0,00	1,89	16.202,22	229,11	84,34
6	Musići	1.084,15	16	25,23	270,18	295,41	73,44	1	0,00	0,00	0,00	32.525,69	295,41	54,40
7	Solun I	2.061,23	10	8,87	56,15	65,02	242,80	1	0,00	0,00	0,00	2.485,06	65,02	14,19

PODACI O BESPRAVNO POSJEĆENIM DRVNIM MASAMA U 2020. GODINI
(po lugarskim reonima)

Tabela BS 3.1

Red.broj	Lugarski reon	Državne šume					Privatne šume					Sveukupno		
		Površina	Podneseno prijava	Evidentirano bespravno posjećene drvne mase u državnim šumama po:			Površina	Podneseno prijava	Evidentirano bespravno posjećene drvne mase u privatnim šumama po:			Iznos štete po osnovu posjećene drvne mase	Evidentirano bespravno posjećene drvne mase	Zaplijenjena drvna masa
				utvrđenom počinioцу	neutvrđenom počinioцу	Ukupno			utvrđenom počinioцу	neutvrđenom počinioцу	Ukupno			
		ha	kom	m ³	m ³	m ³	ha	kom	m ³	m ³	m ³	KM	m ³	m ³
1	2	3	4	5	6	7	8	9	10	11	12	13	14	15
8	Solun II	1.599,21	7	6,96	78,32	85,28	174,92	3	20,98	0,00	20,98	9.653,43	106,26	0,40
9	Milankovići	2.574,62	4	2,04	12,11	14,15	71,38	0	0,00	0,00	0,00	762,87	14,15	6,34
10	Kamensko	5.499,81	9	12,12	62,18	74,30	185,80	4	105,53	0,00	105,53	3.021,28	179,83	7,02
11	Župeljeva	3.742,71	0	0,00	1,04	1,04	0,00	0	0,00	0,00	0,00	39,60	1,04	0,00
12	Jelaške	2.232,12	2	9,50	13,05	22,55	167,70	6	155,01	0,00	155,01	838,35	177,56	0,00
	Kontrolni		7	0,00	0,00	0,00		0	0,00	0,00	0,00	585,21	0,00	20,87
12	7. Olovo	29.805,93	100	165,35	831,26	996,61	2.080,45	20	322,17	0,38	322,55	85.908,95	1.319,16	260,93
1	Lastavica	1.301,50	21	126,10	71,33	197,43	66,80	1	2,73	10,07	12,80	13.850,54	210,23	61,05
2	Podborje	1.917,30	17	181,59	454,73	636,32	73,80	4	23,45	38,63	62,08	32.650,28	698,40	130,85
3	Žuča	1.961,40	12	194,35	114,87	309,22	294,10	13	122,76	46,83	169,59	18.371,55	478,81	136,45
4	Marošića Rijeka	4.235,60	11	46,61	103,12	149,73	151,50	1	4,48	6,74	11,22	8.236,42	160,95	31,35
5	Suha	1.708,30	5	29,23	116,12	145,35	0,00	0	0,00	0,00	0,00	6.614,75	145,35	14,95
6	Teševo	3.723,10	20	33,12	17,55	50,67	304,40	0	3,71	2,23	5,94	2.984,76	56,61	17,71
7	Gora	2.684,14	25	30,08	37,00	67,08	599,80	7	49,03	17,21	66,24	4.665,79	133,32	31,71
8	Kičeva	1.995,10	19	32,32	23,93	56,25	482,00	2	4,84	29,78	34,62	3.478,58	90,87	17,81
9	Desetnik	2.674,55	26	106,25	254,95	361,20	604,30	0	0,00	22,33	22,33	20.103,45	383,53	94,39
9	8. Kakanj	19.526,44	156	779,65	1.193,60	1.973,25	2.576,70	28	211,00	173,82	384,82	97.105,58	2.358,07	536,27
1	Tribija-Duboštica	7.094,12	0	0,00	26,40	26,40	269,60	0	0,00	0,00	0,00	1.584,00	26,40	5,77
2	Ravne	2.584,40	2	8,33	42,28	50,61	140,10	1	4,66	0,00	4,66	3.316,20	55,27	5,88
3	Vijaka-Očevija	4.963,17	1	1,96	26,85	28,81	468,40	1	1,07	0,00	1,07	1.792,80	29,88	0,00
4	Goruša	2.596,61	2	2,70	17,46	20,16	384,50	2	25,98	0,00	25,98	2.768,40	46,14	10,21
5	Vareš	4.726,57	5	22,09	42,29	64,38	603,70	1	1,78	0,00	1,78	3.969,60	66,16	5,02

PODACI O BESPRAVNO POSJEĆENIM DRVNIM MASAMA U 2020. GODINI
(po lugarskim reonima)

Tabela BS 3.1

Red.broj	Lugarski reon	Državne šume					Privatne šume					Sveukupno		
		Površina	Podneseno prijava	Evidentirano bespravno posjeđene drvene mase u državnim šumama po:			Površina	Podneseno prijava	Evidentirano bespravno posjeđene drvene mase u privatnim šumama po:			Iznos štete po osnovu posjeđene drvene mase	Evidentirano bespravno posjeđene drvene mase	Zaplijenjena drvena masa
				utvrđenom počinocu	neutvrđenom počinocu	Ukupno			utvrđenom počinocu	neutvrđenom počinocu	Ukupno			
		ha	kom	m ³	m ³	m ³	ha	kom	m ³	m ³	m ³	KM	m ³	m ³
1	2	3	4	5	6	7	8	9	10	11	12	13	14	15
6	Stavnja	2.957,06	8	6,45	24,10	30,55	739,90	3	8,31	0,00	8,31	2.331,60	38,86	3,31
7	Breza	2.873,09	13	17,20	106,57	123,77	428,30	5	8,66	31,27	39,93	9.822,00	163,70	6,97
8	Bukovica	3.594,39	3	28,28	21,42	49,70	348,30	2	9,98	14,49	24,47	4.450,20	74,17	24,67
9	Kontrolni		0	0,00	123,64	123,64		0	0,00	0,00	0,00	7.418,40	123,64	0,00
8	9. Vareš	31.389,41	34	87,01	431,01	518,02	3.382,80	15	60,44	45,76	106,20	37.453,20	624,22	61,83
82	Ukupno:	180.007,76	1.002	2.934,24	13.630,16	16.564,40	35.867,05	224	2.243,68	1.470,08	3.713,76	1.279.199,22	20.278,16	2.144,19

Napomena: **Odjeljenje Maglaj** - Od 7. mjeseca svi lugarski reoni su zaduženi sa čuvarima šuma. U prvoj polovini godine kontrolni lugar je pokrивao dva reona i vršio kontrole na ostalim, tako da je u knjigama panjeva kontrolnog lugara evidentirano 253 m³ drvene mase u državnim i 96 m³ u privatnim šumama. Nadalje, pri primopredaji reona Novi Šeher u aprilu 2020. godine evidentirane su bespravne sječe u količini od 163 m³ drvene mase u odjelima koji se vode kao minirani.

Odjeljenje Zavidovići - Reon Vozućica - podnesene prijave u šumi privatne svojine na 80,00 m³, a evidentirano 24,04 m³, razlika se pojavila zbog toga što su podnesene prijave za prekršaj u transportu.